

Na osnovu odredbe člana 6. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, br. 22/21 i 13/22), a u vezi sa članom 16. Zakona o mladima („Službene novine Federacije Bosne i Hercegovine“, broj 36/10) i članom 4. Zakona o izvršavanju Budžeta Kantona Sarajevo za 2022. godinu („Službene novine Kantona Sarajevo“, broj 5/22), ministrica za nauku, visoko obrazovanje i mlade Kantona Sarajevo, donosi

O D L U K U

O NAČINU I KRITERIJIMA ZA DODJELU NOVČANIH SREDSTAVA PUTEM TRANSFERA POJEDINCIMA

Član 1. **(Opće odredbe)**

Ovom odlukom utvrđuje se izuzetak od provođenja javnog poziva za dodjelu novčanih sredstava, u skladu sa Zakonom o mladima („Službene novine Federacije Bosne i Hercegovine“, broj 36/10), a u vezi sa Zakonom o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21), Zakonom o naučnoistraživačkoj djelatnosti („Službene novine Kantona Sarajevo“, broj 26/16) i Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, br. 38/14 – Prečišćeni tekst, 38/16, 44/17, 28/18 i 52/21) te način i kriteriji za dodjelu novčanih sredstava iz Budžeta Kantona Sarajevo za 2022. godinu (u daljem tekstu: Budžet), sa pozicije Ministarstva za nauku, visoko obrazovanje i mlade Kantona Sarajevo (u daljem tekstu: Ministarstva), QAN001 614200 – Tekući transferi pojedincima.

Član 2. **(Upotreba ženskog ili muškog roda)**

Izrazi koji su radi preglednosti dati u jednom gramatičkom rodu u ovoj odluci, bez diskriminacije se odnose i na muškarce i na žene.

Član 3. **(Definicije)**

Pojmovi koji se koriste u ovoj odluci imaju sljedeće značenje:

- a) ekipa studenata je skupina studenata visokoškolske ustanove čije sjedište je na području Kantona Sarajevo koja učestvuje na nekom međunarodnom takmičenju;
- b) mentor ekipe je član akademskog osoblja visokoškolske ustanove čije sjedište je na području Kantona Sarajevo koji priprema studente za takmičenje;
- c) izuzetna dostignuća su rezultati koje ostvari ekipa studenata ili student pojedinac na međunarodnom takmičenju;
- d) međunarodno takmičenje predstavlja takmičenje studenata i/ili ekipa sa visokoškolske ustanove koje se odvija na nivou svijeta, Evrope i pojedinih regiona (učešće sedam ili više zemalja) i u oblastima koje su u saglasnosti sa Strategijom razvoja Kantona Sarajevo ili razvoja sektora visokog obrazovanja, nauke i inovacija.
- e) ostale nepredviđene situacije predstavljaju bolest studenta ili užeg člana njegove porodice, smrt i dr. u skladu sa članom 9. ove Odluke, zbog kojih se student nalazi u stanju socijalne potrebe, a nema dovoljno novčanih sredstava da tu potrebu zadovolji po redovnom toku stvari.

Član 4.
(Korisnici sredstava)

(1) Prema ovoj odluci, sredstva iz Budžeta mogu dobiti studenti I i II ciklusa studija ili integrisanog studija i to:

- a) ekipe studenata i
- b) student pojedinac.

(2) Sredstva iz stava (1) ovog člana dodjeljuju se kao:

a) nagrade u cilju podrške talentiranim studentima koji daju značajan doprinos u nekoj od oblasti visokog obrazovanja ili nauke ili inovacija kroz izuzetna postignuća na međunarodnim takmičenjima i/ili

b) dodjelom jednokratne pomoći u situacijama kada je ta pomoć neophodna.

Član 5.
(Uslovi za dodjelu sredstava za ekipe)

Ekipe studenata ostvaruje pravo na dodjelu pod sljedećim uvjetima:

- a) da su članovi ekipe studenti jedne od visokoškolskih ustanova sa područja Kantona Sarajevo,
- b) da mentor ekipe dolazi iz reda nastavnog ili naučnoistraživačkog ili umjetničkoistraživačkog osoblja,
- c) osvojena nagrada na međunarodnom takmičenju.

Član 6.
(Uslovi za dodjelu sredstava za pojedince)

Student pojedinac ostvaruje pravo na dodjelu sredstava pod sljedećim uvjetima:

- a) da se radi o studentu jedne od visokoškolskih ustanova sa područja Kantona Sarajevo,
- b) da mentor (ukoliko ga ima) dolazi iz reda nastavnog ili naučnoistraživačkog ili umjetničkoistraživačkog osoblja,
- c) osvojena nagrada na međunarodnom takmičenju.

Član 7.
(Način dodjele sredstava za izuzetna postignuća)

(1) Ministarstvo će sredstva iz Budžeta dodjeljivati na osnovu podnesenog zahtjeva ekipe ili pojedinca sa dokumentaciju kojom dokazuju da ispunjavaju uslove iz čl. 5. i 6. ove odluke

(2) Zahtjev iz stava (1) ovog člana sa dokumentacijom predaje se na protokol Vlade Kantona Sarajevo, Reisa Džemaludina Čauševića 1.

(3) Postupajući po zahtjevu, a nakon ocjene (analize) dostavljene dokumentacije, ministrica za nauku, visoko obrazovanje i mlade Kantona Sarajevo donosi odluku o dodjeli sredstava.

Član 8.
(Maksimalan iznos dodjeljenih sredstava)

(1) Iznos dodjeljenih sredstava za izuzetna postignuća na međunarodnim takmičenjima utvrđuje se u svakom pojedinačnom slučaju, pri čemu se posebno uzima u obzir plasman na takmičenju, značaj takmičenja u međunarodnom kontekstu i troškovi učešća.

- (2) Maksimalan iznos dodijeljenih sredstava u skladu sa ovom odlukom iznosi:
- a) 10.000,00 KM (slovima: deset hiljada konvertibilnih maraka) po odluci za ekipe;
 - b) 5.000,00 KM (slovima: pet hiljada konvertibilnih maraka) po odluci za pojedince.

Član 9.
(Dodjela jednokratnih pomoći)

(1) Studentu visokoškolske ustanove sa sjedištem u Kantonu Sarajevo, može se dodijeliti jednokratna novčana pomoć u sljedećim slučajevima:

- a) za teško oboljenje i težu bolest studenta;
- b) za teško oboljenje i težu bolest člana uže porodice studenta;
- c) za nastavak i završetak školovanja studenata u stanju socijalne potrebe i
- d) ostale nepredviđene situacije.

(2) Izuzetno od odredbe stava (1) ovog člana, jednokratna pomoć se može dodijeliti i studentu u stanju socijalne potrebe, koji dolazi iz porodice sa troje ili više djece, kao pomoć u njegovom izdržavanju.

Član 10.
(Način dodjele sredstava za jednokratnu pomoć)

(1) Ministarstvo će sredstva iz Budžeta dodjeljivati na osnovu podnesenog zahtjeva studenta sa dokumentacijom kojom dokazuje da ispunjava uslove za dodjelu sredstava iz člana 9. ove odluke.

(1) Zahtjev iz stava (1) ovog člana sa dokumentacijom predaje se na protokol Vlade Kantona Sarajevo, Reisa Džemaludina Čauševića 1.

(2) Postupajući po zahtjevu, a nakon ocjene (analize) dostavljene dokumentacije, ministrica za nauku, visoko obrazovanje i mlade Kantona Sarajevo donosi odluku o dodjeli sredstava.

Član 11.
(Planiranje sredstava u Budžetu Kantona Sarajevo)

(1) U cilju izvršenja obaveza utvrđenih Zakonom o mladima („Službene novine Federacije Bosne i Hercegovine“, broj 36/10), Ministarstvo je dužno samostalno osigurati minimum mjera na planu rada sa mladima i omladinskih aktivnosti, kao i mehanizme i kapaciteta koji uključuju osiguranje budžetske stavke koja se tiče pitanja mladih, kao dijela ukupnog budžeta kantona.

(2) Iznos sredstava koja se dodjeljuju sa ovom odlukom, utvrđuje se prethodno, odlukom Vlade Kantona Sarajevo o usvajanju programa utroška sredstava s kriterijima raspodjele tekućih i kapitalnih transfera utvrđenih Budžetom Kantona Sarajevo sa pozicije Ministarstva za tekuću budžetsku godinu.

Član 12.
(Stupanje na snagu)

Ova odluka stupa na snagu danom donošenja i objavljuje se u „Službenim novinama Kantona Sarajevo“.

Broj:27-04-04-27439/22
Sarajevo, 12.07. 2022.godine



MINISTRICA
Prof. dr. Aleksandra Nikolić